



REPUBLIKA E SHQIPËRISË

MINISTRIA E FINANCAVE

17092/2 29.12.14
Nr.....Prot.....



REPUBLIKA E SHQIPËRISË

AUTORITETI I MEDIAVE
AUDIOVIZIVE

1495/2 29.12.14
Nr.....Prot.....

UDHËZIM

32 29.12.
Nr....., datë2014

**“PËR PËRCAKTIMIN E TARIFËS SË SHËRBIMIT PËR SHËRBIMET E
TRANSMETIMEVE RADIOTELEVIZIVE”**

Në mbështetje të nenit 102 pika 4-të Kushtetutës dhe të nenit 11 të ligjit nr.9975, datë 28.7.2008 "Për taksat kombëtare", Ministri i Financave dhe Drejtori i Përgjithshëm i Autoritetit të Mediave Audiovizive,

UDHËZOJNË:

1. Autoriteti i Mediave Audiovizive (AMA) caktohet agent për vjeljen e tarifës së shërbimit të transmetimeve raditelevizive.
2. Llogaritjet teknike të tarifës bëhen nga AMA sipas shtojcës nr.1, pjesë përbërëse e këtij udhëzimi.
3. Autoriteti i Mediave Audiovizive në cilësinë e agentit të mbledhjes të kësaj tarife është i detyruar;
 - a) të bëjë një deklaratë për çdo muaj për të ardhurat e mbledhura nga tarifa , jo më vonë se 15 ditë pas përfundimit të muajit për të cilin bëhen deklaratimet.
 - b) të paguaj për llogari të Drejtorisë Rajonale Tatimore tarifën kombëtare të arkëtuar për atë muaj në datën ose para datës së detyrueshme të deklaratës.

Për pagesën me vonesë të shumave të arkëtuara nga tarifa për agentin zbatohen sanksione sipas dispozitave të ligjit “Për procedurat tatimore në Republikën e Shqipërisë”. Për shkeljet sipas përcaktimeve të nenit 117, të ligjit nr. 9920, datë 19.05.2008 “Për procedurat tatimore në Republikën e Shqipërisë, i ndryshuar, për agentin e tarifës zbatohen sanksionet e përcaktuara në këtë nen.

c) Deklarata, bëhet në përputhje me modelin bashkëlidhur udhëzimit të Ministrit të Financave nr. 26, datë 4.09.2008, "Për Taksat Kombëtare", të ndryshuar. Deklarata për pagesën e tarifës kombëtare plotësohet dhe dorëzohet vetëm në mënyrë elektronike nga AMA nëpërmjet faqes zyrtare të internetit të Drejtorisë së Përgjithshme të Tatimeve www.tatime.gov.al.

Deklarata konsiderohet e dorëzuar, në datën e dërgimit elektronik të deklaratës së plotësuar. AMA duhet të dorëzojë deklaratën edhe në qoftë se për periudhën tatimore nuk kanë për të paguar detyrime për tarifën.

Mosdeklarimi brenda datës 15 të muajit pasardhës, i çdo periudhe tatimore nga agjenti i tarifës kombëtare, ndëshkohet me gjobë për mosdeklarim sipas dispozitave të ligjit nr. 9920, datë 19.05.2008 "Për procedurat tatimore në Republikën e Shqipërisë", i ndryshuar.

5. Për shërbimin e kryer, AMA mban 5% komision të llogaritur mbi masën e tarifave që ka arkëtuar dhe deklaron dhe paguan në llogarinë e drejtorisë rajonale tatimore ku është e regjistruar 95% të shumës së arkëtuar. AMA vetëllogarit shumën që përfiton nga komisioni duke shumëzuar përqindjen e komisionit të përcaktuar me këtë udhëzim të përbashkët me vlerën e arkëtimit nga tarifën për periudhën tatimore dhe mban drejtpërsëdrejti vlerën e komisionit që përfiton si dhe deklaron dhe paguan në llogari të Drejtorisë Rajonale Tatimore, shumën e mbetur, pasi zbritet vlera e komisionit që përfiton.

6. Udhëzimi nr. 36, datë 11.11.2008 "Për përcaktimin e tarifës së shërbimit për shërbimet e transmetimeve radiotelevizive" shfuqizohet.

7. Ky udhëzim hyn në fuqi menjëherë dhe publikohet në Fletoren Zyrtare.

MINISTRI I FINANCAVE

SHKËLQIM CANI

KRYETARA E AUTORITETIT TË
MEDIAVE AUDIOVIZIVE



SHTOJCA NR.1

TARIFAT VJETORE PËR SHËRBIMET E TRANSMETIMEVE RADIOTELEVIZIVE

Për transmetuesit ose përsëritësit televizivë analogë tokësorë, radio FM tokësore, radio AM të operatorëve privatë radio e televizivë, kombëtarë e vendorë:

1. Për çdo transmetues ose përsëritës televiziv analogjik tokësor:

- a) me fuqi të rrezatuar deri në 10 Ë 1500 lekë në vit;
- b) me fuqi të rrezatuar deri në 100 Ë 6000 lekë në vit;
- c) me fuqi të rrezatuar deri në 1000 Ë 24 000 lekë në vit;
- ç) me fuqi të rrezatuar deri në 10 000 Ë 48 000 lekë në vit;
- d) me fuqi të rrezatuar mbi 10 000 Ë 60 000 lekë në vit.

2. Për çdo transmetues ose përsëritës radio FM tokësore:

- a) me fuqi të rrezatuar deri në 10 Ë 300 lekë në vit;
- b) me fuqi të rrezatuar deri në 100 Ë 1200 lekë në vit;
- c) me fuqi të rrezatuar deri në 1000 Ë 4800 lekë në vit;
- ç) me fuqi të rrezatuar deri në 10 000 Ë 9600 lekë në vit;
- d) me fuqi të rrezatuar mbi 10 000 Ë 12 000 lekë në vit.

3. Në qoftë se një nga transmetuesit ose përsëritësit 1.b, 1.c, 1.ç, 1.d, 2b, 2c, 2ç, 2d, mbulon mbi gjysmën e qytetit të Tiranës, atëherë tarifa e llogaritur në këto pika shumëzohet me koeficientin 5.

4. Në qoftë se një nga transmetuesit ose përsëritësit 1.b, 1.c, 1.ç, 1.d, 2b, 2c, 2ç, 2d, mbulon mbi gjysmën e një qyteti me popullsi mbi 100 000 banorë, atëherë tarifa e llogaritur mbi këto pika shumëzohet me koeficientin 2.

5. Në qoftë se një nga transmetuesit ose përsëritësit 1.b, 1.c, 1.ç, 1.d, 2b, 2c, 2ç, 2d, mbulon mbi gjysmën e një qyteti me popullsi 50 000 deri në 100 000 banorë, atëherë tarifa e llogaritur në këto pika shumëzohet me koeficientin 1.5.

6. Në qoftë se transmetuesit ose përsëritësit 1.b, 1.c, 1.ç, 1.d, 2b, 2c, 2ç, 2d, mbulojnë dy ose më shumë qytete të cituara në pikat 3, 4, 5, atëherë tarifa e llogaritur në këto pika shumëzohet vetëm një herë me koeficientin më të lartë.

7. Për çdo transmetues AM 200 000 lekë në vit.

Operatorët radio dhe/ose televizivë të ritransmetimit të programeve të huaja me përsëritës të licencuar nga AMA paguajnë vetëm 20 për qind të tarifave të përcaktuara më sipër.

RELACION SHPJEGUES PËR PROJEKT UDHËZIMIN
“PËR PËRCAKTIMIN E TARIFËS SË SHËRBIMIT PËR SHËRBIMET E
TRANSMETIMEVE RADIOTELEVIZIVE”

Ky projektUdhëzim propozohet në mbështetje të nenit 102 pika 4 të Kushtetutës dhe të nenit 11 të ligjit nr.9975, datë 28.7.2008 "Për taksat kombëtare", si propozim i përbashkët i Ministrit të Financave dhe Drejtorit të Përgjithshëm të Autoritetit të Mediave Audiovizive.

Synimi i projektUdhëzimit është përcaktimi i procedurës së deklarimit dhe pagesës së të ardhurave nga tarifa e shërbimit të transmetimeve radiotelevizive në llogari të administratës tatimore, nga Autoriteti i Mediave Audiovizive (AMA), i cili është agjent për vjeljen e kësaj tarife.

Nga data 1 janar 2015, do të fillojë zbatimi i sistemit të ri të IT së administratës tatimore, i cili, midis të tjerave, përcakton procedura standarde dhe të unifikuara të të gjithë deklaratave dhe pagesave të detyrimeve tatimore, përfshirë tarifat e shërbimit të caktuara në ligjin për taksat kombëtare.

Në funksion të realizimit të këtij sistemi, në muajin gusht 2014 hynë në fuqi disa ndryshime në ligjet bazë fiskale, të cilat konsistojnë në përcaktimin e tërësisë së procedurave dhe deklarimeve tatimore sipas sistemit të ri të IT.

Një ndër këto ndryshime lidhet me standardizimin e deklaratës dhe afateve të pagesës së çdo tarife kombëtare, brenda datës 15 të muajit pasardhës. Kështu, ligji nr. 86, datë 17.7.2014 “Për disa ndryshime dhe shtesa në ligjin nr. 9975, datë 28.7.2008 “Për taksat kombëtare”, të ndryshuar, ka të përcaktuar në nenin 11/2, si më poshtë vijon:

“Neni 11/2

Deklarata për pagesën e tarifave kombëtare

“1. Personat fizikë dhe juridikë, subjekte të pagesës së tarifave kombëtare në përputhje me nenin 11 të këtij ligji, si dhe agjentët e tarifave kombëtare në rastin kur tarifat mbliidhen me agjentë detyrohen:

a) të bëjnë një deklaratë për çdo muaj, jo më vonë se 15 ditë pas përfundimit të muajit për të cilin bëhen deklarimet ;

b) të paguajnë tarifën kombëtare për atë muaj në ose para datës së detyrueshme të deklaratës.

2. Deklarata, sipas shkronjës “a)”, bëhet në formën dhe përmbajtjen siç përcaktohet me udhëzim të Ministrit të Financave.

3. Deklarata për pagesën e tarifës kombëtare dorëzohet në një nga mënyrat e parashikuara në ligjin “Për procedurat tatimore”, pranë drejtorisë rajonale tatimore, ku është i regjistruar personi fizik/personi juridik subjekt i deklarimit të tarifës kombëtare.”

Përsa më sipër, është e nevojshme hartimi i një udhëzimi të ri lidhur me tarifën e shërbimit të transmetimeve raditelevizive, në të cilën të bëhet përputhshmëria e procedurës së deklarimit dhe pagesës së kësaj tarife, me ligjin e ndryshuar për taksat kombëtare.

Autoriteti i Mediave Audiovizive (AMA), i cili është agjent për vjeljen e tarifës së shërbimit të transmetimeve raditelevizive, e mbledh, e deklaron dhe e paguan këtë tarifë në llogari të administratës tatimore, brenda datës 15 të muajit pasardhës.

Deklarata, bëhet në përputhje me modelin bashkëlidhur udhëzimit të Ministrit të Financave nr. 26, datë 4.09.2008, “Për Taksat Kombëtare”, të ndryshuar.

Deklarata plotësohet dhe dorëzohet vetëm në mënyrë elektronike nga AMA nëpërmjet faqes zyrtare të internetit të Drejtorisë së Përgjithshme të Tatimeve, www.tatime.gov.al.

Deklarata konsiderohet e dorëzuar, në datën e dërgimit elektronik të deklaratës së plotësuar. AMA duhet të dorëzojë deklaratën edhe në qoftë se për periudhën tatimore nuk kanë për të paguar detyrime për tarifën.

Është e rëndësishme të theksohet se masa e tarifës së shërbimit të transmetimeve raditelevizive dh përqindja e komisionit të agjentit mbeten të pandryshuar.

Përsa më sipër, Udhëzimi nr. 36, datë 11.11.2008 “Për përcaktimin e tarifës së shërbimit për shërbimet e transmetimeve radiotelevizive“ shfuqizohet.

MINISTRI I FINANCAVE

SHKËLQIM CANI

AUTORITETI I MEDIAVE AUDIOVIZIVE

